



Txillardegí-Hausnartu Soziolinguistika Sariak

XVII. edizioa

2025eko deialdia

Txillardegí-Hausnartu Soziolinguistika Sariak euskal soziolinguistika esparruko ikerketak saritzen dituen lehiaketa da. 2008an Hausnartu sariak sortu ziren Soziolinguistika Klusterraren ekimenez, eta 2019an, Euskal Herriko Unibertsitatea antolakuntzara batu zenean, Txillardegí-Hausnartu izena hartu zuten, Jose Luis Alvarez Enparantza euskal soziolinguistikaren bidegilearen omenez.

Txillardegí-Hausnartu soziolinguistika sarien helburu nagusia da euskal soziolinguistika teorikoa eta metodologikoa garatzea eta berritzea. Asmoa dute euskal soziolinguistikarekin harreman zuzena duten ikertzaileen lana bultzatzea, eta beste hainbat ikertzaile ere euskal soziolinguistikaren eremura biltzea, modu horretan hizkuntzaren eta soziolinguistikaren inguruko ikerketen oinarri teorikoak zabaldu eta aberastuko baitira.

Nolako lanak aurkez daitezke?

Euskararen soziolinguistika arloko ikerketa zein hausnarketa lanak aurkez daitezke sarietara, betiere oinarri zientifikoa badute edota zientzian oinarritutako hausnarketak proposatzen badituzte. Diziplina askotatik ekarritako lanak izan daitezke, gainera: soziologiatik edo hizkuntzalaritzatik, zientzia politikoetatik edo komunikazio-zientzietatik medikuntzatik, erizaintzatik, psikologiatik, antropologiatik, ekonomiatik, zuzenbideetik, matematikatik edo informatikatik, kirol alorretik edota arteen eremutik.

Zein baldintza bete behar dituzte?

- Lanek oinarri zientifikoa izango dute edo zientzian oinarritutako hausnarketak izango dira.
- Teorikoak, ikerketa aplikatukoak edo saiakera arloko lanak izango dira.
- Egilea banakakoa edo taldea izan daiteke.
- Aurretik argitaratu gabeak izango dira (paperezko argitalpenean zein Interneten).
- 30.000 eta 60.000 karaktere bitarteko luzera izango dute (zuriuneak barne).
- 8-10 lerroko laburpena eta 4-6 hitz gako izango dituzte.

Zein sari eskaintzen dira?

Hiru sari banatuko dira:

- Lehen saria 2.000 euro eta Jose Luis Zumetaren litografia bat
- Bigarren saria 1.300 euro
- Hirugarren saria 1.000 euro

Sari hauei bere kasuan indarrean dagoen legediaren arabera PFEZa aplikatuko zaie.

Nola aurkeztu behar dira lanak?

- Lanak emailaz bidaliko dira ondoko helbidera: txillardegihausnartu@soziolinguistika.eus
- Lanak ohiko formatu informatiko editagarri batean bidaliko dira (.odt, .doc, .docx...)
- Lanek ez dute egilearen/egileen inolako erreferentziarik izango testuan bertan; ez izenburuaren azpian, ez oin oharretan, ez eta testuko beste edozein ataletan ere.
- Bidalketaren emailan egilearen/egileen datu pertsonalak emango dira: izen-abizenak, posta helbidea, telefono zenbakia, lanbidea eta lantokia.

Noiz aurkeztu behar dira lanak?

Lanak jasotzeko epemuga 2025ko irailaren 22a izango da.

Nola ebaluatuko dira lanak?

Lanak baloratzeko eta saridunak hautatzeko berariazko epaimahaia osatuko da, honako kideekin:

- Gipuzkoako Foru Aldundiaren ordezkari bat
- Eusko Jaurlaritzako Hizkuntza Politikarako Sailburuordetzaren ordezkari bat
- Euskal Herriko Unibertsitatearen bi ordezkari
- Soziolinguistika Klusterrak izendatutako bi ordezkari (horietako bat Bat Soziolinguistika Aldizkariaren zuzendaria)

Saritutako lanak antolatzaileen esku geratuko dira (Euskal Herriko Unibertsitatea, Gipuzkoako Foru Aldundia, Eusko Jaurlaritza eta Soziolinguistika Klusterra), haien intereseko diren eremuetan ezagutzera eman edota argitaratuak izan daitezen.

Informazio gehiago:

https://soziolinguistika.eus/eu/txillardegia_hausnartu/2025-deialdia/

Edozein zalantza izanez gero, antolakuntzaren arduradunekin zuzenean harremanetan jartzeko aukera dago telefonoz (943 592 556) edo e-posta bidez (txillardegihausnartu@soziolinguistika.eus)

Laguntzaileak:



Gipuzkoako Foru Aldundia
Diputación Foral de Gipuzkoa



KULTURA ETA HIZKUNTZA
POLITIKA SAILA
DEPARTAMENTO DE CULTURA
Y POLÍTICA LINGÜÍSTICA